

Script of Morning Gojri News Bulletin 14 November 2024 at 1015Hrs

ما رنینگ گو جری نیوز بلیٹن مو رخہ 14 نومبر 2024

یوہ آکا شوانی جموں ہے عبدالرحمن شاہین تیں خبر سُنو۔

Kulgam Encounter

جموں کشمیر مانہ وادی کشمیر غا ضلع کلگام غا سُدھ سونہ بیہی باغ علاقہ مانہہ اچ سویرے سرگی ویلے حفاظتی دستاں غی طرفوں پھر دوبا رہ کہیرو لا غے تلاشی آپریشن شروع کیو گیو۔ بے۔ کل پیشی ویلے اس علاقہ مانہہ حفاظتی دستاں تے دہشت گرداں ہشکا ر پیش آیا اک تصادم غے دوران دو طرفہ گولی با ری ہوئی تھی۔ پولیس ذرائع غو کہنو بے جے منیو جا رہیو بے کہ دہشت گرد اس علاقہ مانہہ کہیرہ بندی غے اندر ہیں تے ات اضافی حفاظتی دستہ بلایا گیا ہیں۔ تانجے دہشت گرداں نانہہ بچ غے نکلن نہ دتو جا سکے۔ عہدیداراں غو کہنو بے جے کہیرہ بندی غا حلقہ نانہہ مضبوط کیو جا رہیو بے۔ اجوں تک کسے وی طرفوں کسے جانی نقصان غی کا ئے خبر نہیں بے۔

CM Omar Abdullah

جموں کشمیر غا وزیر اعلیٰ عمر عبداللہ نے کل نوی دہلی مانہہ نائب صدر جمہو ریہ جگدیپ دھنکڑ سنگ ملاقات کی ہے۔ وزیر اعلیٰ موصوف اس ویلے قومی راجدھانی مانہہ سرکاری دورہ ور ہیں۔ جس دوران اُن غو اگلا 2 دنان مانہہ صدر جمہو ریہ محترمہ درویدی مُرمو تے وزیر خزانہ نرملا سیتھا رمن سنگ ملاقات کرن غو وی پروگرام ہے۔ وزیر اعلیٰ غو یوہ دورو مرکزی حکومت سنگ تعاون بدھان با رے جموں کشمیر غا وعدہ تے عزم نانہہ ظاہر کرے۔ ان مصروفیات غا حصہ غے طور وزیر اعلیٰ عمر عبداللہ نے 12 نومبر نانہہ ریاستاں و مرکزی زیر انتظام علاقان غا وزراء بجلی غی کا نفرنس مانہہ وی شرکت کی۔ اس کا نفرنس غی صدارت بجلی غا مرکزی وزیر منوہر لال کھٹر نے کی۔ اس کا نفرنس غے دوران وزیر اعلیٰ عمر عبداللہ نے دریائی صلاحیتاں نانہہ پو ری طرح بروئے کار لیا غے پن بجلی توانائی پیدا کرن غے سامنے جموں کشمیر نانہہ درپیش للکاراں با رے تفصیلاً بولیو۔

Chief Secretary

چیف سیکریٹری اتل ڈلو نے کل مکانات و شہری ترقیات محکمہ غی اک میٹنگ غی صدارت کرتاں وان سوچہ بھارت مشن شہری 2.0 غی عمل آوری با رے پیش رفت غو جائزو لیو۔ اس مشن غو مقصد کوڑہ کرکٹ غو سائنسی طریقہ سنگ نمٹان تے بھارت مانہہ تمام شہراں واسطے کوڑہ کرکٹ تیں پاک درجو حاصل کرنو ہے۔ چیف سیکریٹری موصوف نے اس موقعہ و ر محکمہ نانہہ کہیو جے وہ جموں کشمیر مانہہ اس پروجیکٹ نانہہ عملان غے متعلق فوری فیصلہ لے۔ اُنہاں نے کہیو جے مرکزی معاونت آلی سکیم ویلہ بند طرز غی ہیں تے اس واسطے اُنہاں نانہہ زمینی سطح و ر قابلیت سنگ عملان غو حق ہے۔ تانجے عام عوام اس تیں زیا دہ توں زیا دہ مستفید ہو سکے۔ میونسپلٹیاں غی طرفوں صفائی ستھرائی تے کوڑہ کرکٹ غا نمیڑا با رے مجوزہ عملی منصوبہ و ر نظر مارتاں وان چیف سیکریٹری نے ایس بی ایم 2.0 غے تحت اہم اجزے غی عمل آوری با رے جانکاری حاصل کی۔

Jhiri Mela

جموں کشمیر مانہ جموں شہر غامضافات مانہ جموں اکھنور قومی شاہراہ ور جموں تیں تقریباً 20 کلو میٹر دور جھڑی گراں مانہ 10 روز تک چلن آلو سالانہ جھڑی میلو اج تیں شروع ہو گئیو ہے۔ تے یوہ میلو 24 نومبر نانہ اختتام پزیر وے گو۔ لیفٹنٹ گو رنر جناب منوج سنہا 16 نومبر نانہ اس میلہ غو باضابطہ طور افتتاح کریں گائیوہ میلو ہر سال کا رتک پرنیما اکتوبر یاہ نومبر مانہ جھڑی گراں غے اندر منعقد وے۔ جہیزو کہ انقلابی کسان باوا جیتو غی بہا دری، ایماندارای، معصومیت، انسانیت، ثقافت تے سچائی غی یاد کراوے تے اس میلہ مانہ ملک تے بیرون ملک تیں لکھاں عقیدت مند شرکت کریں۔ اس میلہ مانہ 20 لکھ سیلانیان غو شامل ہونو متوقع ہے۔ جس دوران سرکار محکماں واسطے سرکار ری سکیمیں تے پروگراماں با رے گرائیں آبا دی نانہ بیدار کرن غو موقعو ہے۔ تے اس طرح بکھ بکھ محکمہ سرکار ری سکیمیں با رے اس موقعو ر لوکاں نانہ جانکا ری دیں تے خاص کر کسان بہبود با رے سرکار ری سکیمیں تیں کساناں نانہ واقف کرایو جائے۔

JK Weather

محکمہ موسمیات غی طرفوں پیشنگوئی کی گئی ہے جے اگلا کُجھ دناں مانہ بارش تے کُجھ جگہاں ور برفباری ہو سکے۔ جس سنگ اُچا پہاڑی رستاں ور سفری رکا وٹ وی پیدا ہو سکیں۔ آکاشواںی جموں غا نامہ نگار نے دسیو ہے جے 14 اور 15 نومبر نانہ کشمیر غا بہت سارا حصاں تے جموں خطہ غا کُجھ علاقاں مانہ ہلکی بارش تے برفباری ہو سکے۔ تے 16 نومبر نانہ وی بارش اور برفباری غا امکان تے 17 نومبر تیں موسم صاف ہو جائے گو۔ محکمہ موسمیات غی طرفوں کہیو گئیو ہے جے زوجیلہ رازدان بائی پاس سادھنا پاس سینتھن ٹاپ تے مغل روڈ جیسا علاقاں مانہ سفر با رے مسافراں نانہ موسم غے مطابق ہی چلنو وے گو۔

Goa Film Festival

اطلاعات و نشریات وزارت غی طرفوں قومی فلم ترقیات کا رپو ریشن گا اشتراک تے گواہ تفریحی سوسائٹی غا تعاون سنگ گواہ مانہ 20 تیں 28 نومبر 2024 تک 55 ووں بھارتیہ عالمی فلم تہوار منعقد ہو رہیو ہے۔

اس غے نال ہی خبراں غو یوہ بلیٹن ختم ہوو۔